

四庫全書存目叢書編纂委員會編

齊魯書社

四庫全書存目叢書

子部
第六〇冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB65/01

四庫全書存目叢書·子部六〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 49.75 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第六〇冊目次

子部・術數類

素問六氣玄珠密語十七卷

〔唐〕王冰撰
北京圖書館藏明鈔本

..... 一

天文鬼料竅不分卷

不著撰者
清華大學圖書館藏明鈔本

..... 一二三

戎事類占二十一卷

〔元〕李克家撰
北京大學圖書館藏明萬曆二十五年厭原山館刻本

..... 一七九

天文秘畧不分卷

〔明〕胡獻忠輯
北京大學圖書館藏清初鈔本

..... 三四八

大明清類天文分野之書二十四卷

〔明〕劉基撰
南京圖書館藏明初刻本

..... 三七三

白猿風雨圖一卷

〔明〕劉基撰
遼寧省圖書館藏彩繪鈔本

..... 七六二

素問六氣玄珠密語十七卷

〔唐〕王冰撰

北京圖書館藏明鈔本

附《四庫全書總目·元珠密語

十七卷》提要

玄珠密語序

余少精吾道若志文儒三冬不倦於寒窗九夏豈辭於炎暑後因則天理佳而廼退志休儒繼曰優游棲心至道每思大數憂短景以無依款寃真登慮流年而不久故乃專心問道執志求賢得遇玄珠廼師事之爾即數年間未敢詢其大玄至妙之門以漸窮淵源方言妙旨授余曰百年間可授一人也不得其志求者勿妄泄矣余即遇玄珠子與我啟萌故自號啟玄子也謂啟問於玄珠子也今則直書五本每本一十卷也頭尾篇類義同其曰玄珠密語乃玄珠子密而口授之言也余於百年間不逢志求之士亦不敢隱沒聖人之言通書五本藏於五嶽深洞中先饗山神後而藏之恐後人志求者可以遇之如得遇者可以珍重之寶愛之勿妄傳之不得奇人不可輕授爾此玄珠子授余之深誠也此十卷書可見天之令運之化地產之物將來之災害可以預見之素問中隱真之言可以直而中之可以候養五內資益群生有將強補弱之門有祛邪金正之法故聖人云天生

天殺道之理也。能究其玄珠之義見之。天生可以延生見之。天殺可以逃殺。陰符經云。觀天之道。執天之行。盡矣。此者。是人能順天之五行。六氣者。可盡。天年一百二十歲矣。其有夭亡。蓋五行六氣。通相得。天故祖師言。六氣之道。本天之機。其來可見。其往可追。可以注之玉版。藏之金匱。傳之非人。殃墮九祖。

素問六氣玄珠密語卷之一

唐啟玄子王冰述

五運元通紀篇

夫運者。司氣也。故居中位也。在天之下。地之上。當氣交之內。萬化之中。人物生化之間也。故運者。動也。轉動也。即輪流運動。往來不歇也。於是太極始判。橫五運於中。輪流至今。終而復始。聖人望而詳之。自開闢乾坤。望見青氣橫於丁壬。故丁壬為木運也。赤氣橫於戊癸。故戊癸為火運也。黃氣橫於甲己。故甲己為土運也。白氣橫於乙庚。故乙庚為金運也。黑氣橫於丙辛。故丙辛為水運也。故先論五運。後紀司天也。即當以司天為客也。運氣為主也。在泉為客。居氣間為次客也。故五運之氣。上合於天。於是木運之氣。上合於天。火運之氣。上合於天。土運之氣。上合於天。金運之氣。上合於天。水運之氣。上合於天。故蒼天之氣。經於鬼柳危室。即丁壬二分也。丹天之氣。經於角軫牛女。即戊癸二分也。黃天之氣。經於心尾參井。即甲己二分也。素天之氣。經於元貞畢胃。即乙庚二分也。

亥天之氣經於張翼奎胃即丙辛二分也故蒼天有青氣經於四宿下合木運以同丁壬也丹天有赤氣經於四宿下合火運以同戊癸黃天有黃氣經於四宿下合土運以同甲己素天有白氣經於四宿下合金運以同乙庚玄天有黑氣經於四宿下合水運以同丙辛於是五運五色之中徑流之內乃分六氣於是青氣之中天生風風生木於地也赤氣之中天生煖暑即君相二火也即熱生火於地也黃氣之中天生濕濕生土於地也白氣之中天生清燥燥生金於地也黑氣之中天生寒寒生水於地也故天有六氣者是風煖暑濕燥寒是也地產五行者是水火土金木是也於六氣五行上下相合萬化生成悉由之爾五蟲稟天生旺悉由之耳五蟲者即毛蟲羽蟲倮蟲甲蟲鱗蟲是也即以獅子為毛蟲之長應木也鳳凰為羽蟲之長應火也人為倮蟲之長應土也龜為甲蟲之長應金也龍為鱗蟲之長應水也此五者總於萬類也故運者丁壬木運即壬主剛丁主柔剛為太過柔為不及太過即木氣傷土不及即自衰自衰即

反受金刑戊癸火運即戊主剛癸主柔剛為太過柔為不及太過即火氣傷金不及即反受水刑甲己土運即甲主剛己主柔剛為太過柔為不及太過即土氣傷水不及即反受木刑乙庚金運即庚主剛乙主柔剛為太過柔為不及太過即金氣傷木不及即反受火刑丙辛水運即丙主剛辛主柔剛為太過柔為不及太過即水氣傷火不及即反受土刑此者是運氣之別柔盛衰之意也故運從干生干有十即五陽五陰配地之六脉六脉共成六十甲子也即甲丙戊庚壬為坎干坎干主坎年坎年即子寅辰午申戌此六歲即坎干相臨也皆主太過也於是乙丁己辛癸為陰干陰干主艮年艮年即丑卯巳未酉亥此六歲即艮干相臨也皆主不及也又不及者謂其中有平氣也其平氣者假令丁卯歲木運故曰平氣也何以故丁雖為木之柔卯雖艮年謂卯為木相佐於丁之柔故得平氣也假令乙酉年金運故曰平氣也何以故乙雖為金之柔酉雖艮年謂酉為金相佐於乙之柔故得平氣也假令辛亥年水運故曰平氣也何以

故辛雖為水之柔亥雖陰年謂亥為水相佐於辛之
柔故曰平氣也假令癸巳年火運亦曰平氣也何以
故癸雖為火之柔巳雖陰年謂巳為火相佐於癸之
柔故曰平氣也假令巳年遇丑未歲巳雖為土之柔
丑未雖陰年謂丑未土相佐於巳之柔故曰平氣也
其辰戌亦是土位此二年為陽年各主太過也人一
法每年交司於年前大寒日假令丁年交司之曰遇
日朔為壬曰子得壬名曰干德符也符者合也便為
平氣也若遇此二者縱遇皆不相濟也若交司之時

遇時直符見六六然遇此亦不相濟也其餘皆類也
即已逢甲辛遇丙癸逢戊乙逢庚皆為干德符也非
交司日時除此日時不相濟也又於不及歲中逢月
干皆得符合也不相濟也若未逢勝而見之干合者
即平氣也若行勝以傷行復以畢逢月干者即得正
位也細述於後秘文也

迎隨補寫紀篇

五行六氣各有勝復故木將行勝也蒼埃先見於林
木木迺有聲震星光芒是其兆也又木將勝也宮音

失調保虫不滋而濕失令也十二月先取其化源也
此謂迎而取之也迎者於未來而先取之也故取者
瀉也用鍼瀉其源也即木氣將欲勝者即先瀉肝之
源出於太衝在足大指本節后三寸陷者中瀉肝脈所過為源先以左手按
其源穴得動氣乃下鍼鍼入三分乃陽之位也以得
天氣而住鍼留三呼即應木之生數三也乃四面以
手彈之令氣至鍼下即推而進至五分留八呼應其
木之成數八也是引天氣而接地氣也鍼頭似動氣
相接也乃急出其鍼次以手捫之此是預知木勝瀉

木肝之源也令不剋其土也其用藥者即用辛平之
胃木之勝用甘全之佐土之衰無令食酸物佐木之
勝也火之將勝也遠視天涯光輝去氣山川州木先
乃焦枯甲虫之休遍生化源火未生之前先取其心
之源也故心之源出於大陵掌後兩筋間陷者中先乃心之所過為源也
以左手按其源穴得動氣乃下鍼鍼入三分乃陽之
位也以得天氣乃住鍼留二呼乃火生數也乃四面
以手彈之氣至鍼下即推而進鍼至於五分留七呼
應火之成數也是引天氣而接地氣也鍼頭似動其

氣相接也急出其鍼可此瀉有餘之氣此瀉 絡小
心之源也應相火之勝也其君火之源者故名曰少
陰之源也少陰之源出於兌骨此是真心之源在掌
后兌骨之端陷者中
一名中門刺法同前法其用藥者即用鹹平之罰火
之勝也用辛金之補金之衰勿食其苦物佐火之勝
也土將勝也山石先潤黃樓四起溽暑過作雲氣過
挽霧翳過施羽音先少是其候也於五月迎而取其
化源也先取瀉脾之源也故脾之源出於太白在足
內孤
太陰所過為源 先以左手按其源穴得動氣乃下

鍼鍼至三分陟之位也留五呼應土之數也以手彈
之氣至鍼下過推而鍼至五分留五呼亦應土之數
也是謂引天氣而接地氣也鍼頭似動急出其鍼取
瀉其有餘之氣合脾氣不盛勿傷腎也其用藥者用
酸平之罰土之勝用鹹金之補腎之衰勿食其甘物
佐土之勝也金將勝也西風數起松篁發籍土生苗
白地氣先燥山彰白氣肅殺過作木凋草萎角音過
虧是其兆也於六月迎而取其化源即先寫肺之源
也故肺之源出於太淵在掌后大筋一寸三分間陷
者中是手太陰所過為源

先以左手按其源穴得動氣過下鍼至三分陟之位
也而四呼應金之生數也以手四面彈之氣至鍼下
推而進針至五分留九呼應金之成數也是謂引天
氣而接地氣也得氣乃急出之可寫肺氣之有餘也
今勿傷肝也其用藥者即用苦平之罰金之勝用酸
金之補肝之衰勿食其辛物佐金之勝也水將勝也
天色沉陰鳴鳥不語太虛冥默先不治冷氣氣先至
微音不及榮惑不見是其兆也於九月迎而取其化
源也即先寫腎之源也故腎之源出於太谿在足內
踵下起

大骨下陷中是足太陰所過為源也先以左手按其源穴得動氣過下
鍼鍼入三分陟之位也留一呼應水之生數也以手
四面彈之今氣至鍼下即推而進針至五分留六呼
應水之成數也是謂引天氣而接地氣也得氣即急
出之即寫腎氣之有餘無令傷於心氣也其用藥者
即用甘以平之罰腎氣之勝也用苦金之補心氣之
衰也無令食鹹物佐腎之勝也凡資其化源者何也
故資者補之取者瀉之當瀉其勝實補其衰弱也假
令木氣之勝土當衰弱也故瀉其肝源補其脾源也

火氣之勝金當衰弱也故瀉其心源補其肺源也土
氣之勝水當衰弱也故瀉其脾源補其腎源也金氣
之勝木當衰弱故瀉其肺源補其肝源也水氣之勝
火當衰弱故瀉其腎源補其心源也故資補其化源
者故先以左手按其源穴得動氣迺下鍼便至五分
脉分地之氣而呼即退其五行之生數也得地氣之
動迺抽鍼至三分陟分天之氣是謂引脉至陟曰資
補化源而呼即得五行之成數也故以外至內而
出曰瀉也以內至外而出曰補也故以補為資以取
為瀉也即勝者取之虛者資也

玄珠密語卷之一終

素問六氣玄珠密語卷之二

唐啟玄子王冰述

運符天地紀篇

甲子中土運太宮土氣有餘其名曰敦阜土行而化
即歲中濕令過多氣傷腎藏受病久及勝脫鱗蟲不
資保虫太盛脾氣之勝也民病腹痛清厥意不樂體
重煩寃上應鎮星甚則肌肉萎足痿不收行善痠脚
下痛飲醴中滿食減四肢不舉變生得位藏氣伏化
氣獨治之泉涌河衍涸澤生魚風雨大至土崩潰鱗
見于陸地病腹滿泄腸鳴反下甚雨化五此土太
過之令也甲午之年化令同
乙丑中金運少商災九宮七宮即西方兌在人為肺
四時應秋此即謂金不及也其名從革即火行勝令
來勝於金廢物以茂燥燥以行民病肩背臂重欬
血便注下收氣乃復令勝之至甚有金子為水水未
救母名白後勝復勝即寒雨暴至零冰雹雪霜殺氣
陰厥且格陽上行頭腦戶痛延胃項發熱丹數不成
民病口瘡甚則心疼痛化四從生數乙未之歲化令

之正同於此年

丙寅中水運太羽水氣有餘其名流衍上刑尺令不化也中尅心藏受病即寒氣流行邪害心火民病身熱煩心燥陰厥上中下寒諸妄心痛寒氣早至甚則腹大腔腫喘咳痰汗出憎風大而至埃霧朦鬱寒化六從成教此太過之政丙中之歲化令准前此水化之令轉盛之爾何以故中金金生水運之餘逢申之年更甚也

丁卯中木運正角運得平氣也其名數和所謂平氣

也即金不來勝木亦不災土故化令各得其時故曰平氣也又曰歲會也謂丁木運卯為木其氣相佐丁年正月是壬寅月壬與丁合其干德名曰干德符也故歲勝成化三從生教也正化日也即化令依時元他令至故正化日也故丁酉歲運同即不得年力也年酉為金也正月壬寅月亦名干德符也勝符亦不至也即不名歲會風化三生教也同丁酉年化令更甚

戊辰中火運太徵火氣有餘名曰赫曦即氣勝肺藏

受病久及大腸甲虫乃殃秋冬熱夏令炎熱其化之政只其半也何以故上見司天水臨之災滅其半也熱化七從成教正化度無化令也戊戌之年皆如此已巳中土運少宮災五宮五宮即中宮也卦應坤位在人為脾四時應夏虫為保虫土不及名曰卑監即四時化氣之令不正木乃來勝火風數舉民病痞滿黃疸附腫雨濕之氣不化保虫乃天勝之深也金乃未復復之至也白埃四起肅殺乃至木葉凋落民病肝藏毛虫反困復罷脾氣循虛至九月甲戌月已得

甲力得其干合方還正宮而化五已亥之政同於此化

庚午中金運太商金氣之有餘也其名堅成也氣勝即傷肝白埃四起殺氣如雲生氣不令成氣乃過毛虫過因草木晚榮民病即眩脇氣痺四肢勑事目瞋善怒具化雖災亦不至甚也只得其半也何故謂上見少陰君火臨之年午亦為火也故金令棄其半也木之災亦少也燥化九從成教也庚子之年異同也年子是水金氣相得其災至勝也清化九從成教也

辛未中水運少羽災一宮一宮坎位在人為腎四時
應冬虫即鱗虫也水氣不流名曰涸流也即土來行
勝濕乃大行長氣反用其化乃速暑而致至民病腹
滿身重濡泄寒瘍流水不冰腰股痛發臃脹股膝不
便煩寃足痿清厥脚下痛甚則附腫臃氣不正復之
發也木來救水大風暴至艸偃木零生長不鮮面色
時變筋骨併辟肉瞶目視眊眊物變肌肉疹發氣并
膈中痛於心腹黃氣乃損堪穀不發復器水氣寧至
七月丙申月水運正羽寒化一從生數邪化日令時

不正也辛丑之令如此也

壬申中木運太角木氣有餘其名發生也即大風椎
拉氣刑脾藏久及其胃也風氣流行脾土受邪民病
發泄食減體重煩寃腸鳴支滿化氣獨治雲物飛動
草木不寧甚則搖落反腸疼而吐風化八從成數邪
化度也正令失時也壬寅之歲其氣更甚也亦名歲
會也寅木壬水相會合也

癸酉中火運少徵災九宮九宮南方離位在人為心
四時為夏即火氣不及也其名伏明也心藏自衰夏

今不正羽虫乃天即水來行勝水之至也勝則寒乃
大行長氣不正物榮而下凝慘而甚則伏氣不化乃
折榮美民病胃中痛脇支滿脇痛背脊脾間及兩臂
內痛鬱胃瞤眩心痛勝至深火有子為土未救之母
復勝之至埃鬱大而且至黑氣乃溼民病脊澹腹滿
食飲不下中寒腸鳴泄注痛寧痠痺是不任身復罷
火氣始平後五月戊午月癸遇干合火運正徵熱化
二從生數邪化日失於正令也癸卯之歲亦如此也
甲戌中土運太宮土氣有餘其名敦阜土行而令即

海暑埃濕太虛埃昏雲雨時令氣過即傷腎久及勝
眊化氣有餘藏氣不令民病即氣厥陰痿足腰寒少
力失精鱗虫乃困氣盛即風舉勝還民病嗔恚否塞
黃疸上勝天令弗從兩化五六曰邪化則政令失時
甲辰之年對化斯令

乙亥中金運正商平氣也其名審平也所謂平氣者
謂三月得庚辰月早見干德符也乙未見庚剛即氣
還正位也火未得旺故未勝而先平也火不勝即水
不復也又亥是水六得年力故火不勝也清化西從

生數也正化曰無他令即本化依時也乙巳歲火來
小勝之為已為火可佐於勝也即於二月中氣間君
火時化日火來行勝金氣行勝少商從太微勝之不
久不待水來復即過三月庚辰月乙見庚而氣自全
金還正商氣以平也

丙子中水運太羽水氣有餘也其名流衍水之盛也
上尅司天化令不浸丙為水運干之剋也子亦是水
太陽司天太過即水氣臨火令長不從藏氣之勝也
心藏受病火及小腸羽虫乃殃鱗虫乃育寒化六從
成數也六和化日夏失時正也丙午之歲小異之肅
午即火也火得年力丙雖運剋水之勝也謂火居南
方午位得離正氣佐故夏令得化心藏不病羽虫不
災熱化得正化日無他邪所至也

丁丑中木運正角木德平氣也其名數和何謂也不
候金行勝而先得干符合也始得初氣遇正月壬寅
月丁雖為木運柔丑雖陰年謂壬為木運之剋與丁
合德也丁遇壬而氣還全即金不行勝火亦不復故
木得正角生氣時令木亦不傷土民乃康保虫毛虫

甲虫各得其育風化三從生數正化日也依時政令
不失時也丁未之歲氣化運齊天依丁丑之政也

戊寅中火運太微火氣太過其名赫曦也氣運衍先
天也即太過乘早故云先天也又運與天合德名曰
天符也即上見少陽相火司天即運與天同火其氣
甚盛暑流行金肺受邪民病痰瘧少氣欬喘血溢泄
注下嗔燥耳聾中熱有背熱甚則胃中痛脇支滿膈
背脊肝間痛兩臂內痛身熱骨痛而為浸淫收氣不
行長氣獨明以表火勝熱化七從成數和化日政令

失時戊申年小異之即申為金佐於肺肺受火刑其
氣稍實民病得平也故小異之耳其餘之令亦如此
己卯中土運少宮土氣不及災五宮五宮即中央也
在人應脾氣分四氣虫為保虫土其名卑監木乃未
刑即木行風勝於土風乃火行化氣不令艸木茂榮
飄揚而甚秀而不實民病飧泄霍亂體重腹痛筋骨
繇復肌肉酸痛勝至甚也金子來復復之至則收政
嚴峻草木蒼凋胸腹暴痛下引小腹善太息虫食甘
黃氣客於脾今穀乃減食少失冷復罷土氣未正後

至九月甲戌月土還正宮而化五卯化日失正令也
已酉之年異於此歲酉金也勝之懼之故木勝之微
耳

庚辰中金運太角金氣有餘其名堅成金氣有餘即
生氣乃善牧氣乃殺即白埃四起艸木蒼落林木肅
殺燥乃鹵田白色民病於肝毛虫乃困眩脇氣脾淋
溲便難目瞋轉筋燥化九從成數卯化日春令失政
庚戌之運准此

辛巳中水運少雨水氣不及也災一宮一宮北方坎
位在人應腎虫為鱗水之象也其名涸流即乾涸竭
也即土行勝水也土行雨令即名曰雨化行勝勝之
至也至於第四氣中即大雨霖霪腎病乃危久及勝
脫鱗虫乃瘁弗令水危困萬木乃乘復勝也火風數
作揚塵高峯摧折林木飛砂走石如是即土氣虧脾
藏乃病保虫反殃木復霸土猶未全至七月丙申月
辛得丙合水還正雨水氣方全寒乃化一卯化日夫
政令也辛亥之年小異之耳何以故亥為水雖陰年
亥水與辛水運相佐之日歲會水得平氣即上不勝

木不復故得正卯正化日寒化一從生數也

壬午中木運太角木氣之有餘也其名發生壬水運
運之剋也午陽年陽年太過故木氣之盛也即生氣
之令太過運行先天風化乃盛氣化不令而濕還虧
脾藏受病六及其胃保虫不育風化八從成數卯化
氣失令壬子之歲亦然也

癸未中火運正徵火得平氣也其名升平何以故即
左右二火為間氣相佐之也又五月戊午月先得干
符也癸見戌而氣全也先得符力水未行勝故曰平
氣即水不勝而土不復也火又不災九宮故名正徵
熱化依時令正化日無他令熱化二從生數癸丑之
令准前

甲申宮中運太宮土氣有餘其名敦阜也土行雨令
即化氣之盛也藏氣不時邪干腎藏久及勝脫鱗虫
乃因寒凜反溫而濕流行民病腹痛清痰意不樂體
重煩寃甚則肌肉痿且不收行善癰腳下痛飲發中
滿食減四肢不舉而化五卯化日也藏氣不正甲寅
之歲異於此何以故寅木也木可刑土氣之平也即

藏氣平自令鱗虫得育腎氣均正化日也故得無他邪也

乙酉中金運正商金得平氣也名曰審平也七宮不災火勝不至水後不來甲虫自育肺藏氣寧何以故乙雖為金運之柔酉雖陰年故酉為西方金位金氣相佐故得平氣也長氣六不刑生氣殺氣自正清化四逆生數正化日無他邪也乙卯之年異於此歲中金運少商金氣之不及其名從革即火得二之氣君火分中來行勝即暄熱至甲虫殃肺乃病勝之不及

久水未行復其氣以平何故也三月庚辰月乙得庚令合其干德金運正商其氣乃平使殺氣不失其令清化四逆生數邪化日有他邪也

丙戌中水運太羽水氣有餘其名流衍水得丙戌之剋戌上見太陽水同於寒其氣臨大長氣失政炎暑乃虧暴冷時聞藏氣乃盛其青冰雹其令寒零凜冽羽虫乃亡心藏病危久及小腸民病心熱煩心燥轉陰厥上下中寒諸妄心痛寒氣早至寒化一六生成二化并天令也邪化日失政令也丙辰之化准此

丁亥中木運正角木得平氣其名敷和木氣不災三宮何以故丁雖為木之柔亥雖陰年今於正月壬寅月丁得壬合干德相符故平氣也故運得干合即木氣乃全即金不行勝火不來復也木六不傷土令也使時令名得其化故曰正化日也風化三逆生數丁己之正依斯令也

戊子中火運太徵火氣有餘其名赫曦上與少陰君火合德曰天符也火行暑令即炎暑大行夏令太過其交鬱蒸其有炎燥如是即心氣有餘邪炎肺藏久及大腸甲虫不滋殺氣失政肅殺無威暑化於成數戊午之年名曰太乙天符三會合也即戊火運上少陰君火午為南方離位即三位火合德其化轉甚邪化日秋失正也

己丑中土運少宮土不及災五宮五宮即中宮也在人應脾卦為坤主氣為四氣虫即倮虫土不及其名卑監土行而令濕化乃虧木乃來利木行風令即風化行勝也勝之至也得初氣而至早也風木之時化之正也脾乃病久及胃倮虫困為四氣還虧土至危

金乃至而燥未燥未復勝木也木及衰肝乃病次及勝土乃靜脾病愈保虫舒土至九月甲戌月已得甲為干合其德土還正宮方復位名曰雨風勝復同也邪化度邪化者相刑勝之名也而化五已未之令准於斯政

庚寅中金運正商金得平氣也其名審平也寅為陽庚主太過何言平氣也謂上見少陽相火司天下臨尅於金故天刑運運不能太過故罰盛而見平也其氣六傷肝也即為小災耳毛虫小困春令清干燥化

九從成數邪化不盛庚申之歲金德太過從太商金名曰堅成謂申金為佐之故金氣傷肝久及其勝生氣之令不殺金氣太過燥化依令

辛卯中水運少羽水氣不及災一宮一宮即北方坎位也水在人應腎水不及其名涸流即乾涸竭也即土氣未勝刑於水也土施而令名曰雨化勝也勝之至也至於第四氣即土得時化故勝肅太虛埃昏雲氣以擾而令頻化腎藏乃病久及勝脫鱗虫困篤冬令及溫流水不冰水困之危木未復剋木者水之子

木行風令名曰風化勝復同也即大風復勝於雨土即脾及病保虫殃土氣復危如是即土氣方緩至七月丙申月水運正羽寒化一從生數邪化日失止令辛酉亦然

壬辰中木運太角木氣有餘其名發生其氣盛木有餘木令於風風乃大舉鼓折鳴審用施權柱氣過即傷脾久及其胃保虫不育化氣不令風化八從成數邪化日失政令矣壬戌之令六從此歲之令

癸巳中火運正徵火得平氣其名升平也已雖陰年

癸雖為柔一謂已為火六名歲會二謂水木得時化

三謂五月戊午月癸得戊合其干合故得平氣也即水不來勝火下來復即火令依時熱化二從生數正化日依時正癸亥中火運少徵火不及災九宮九宮南方離位在人應心虫為羽虫火不及其名伏明謂亥為水故異於已也即水得羊力便來行勝即暴寒勝間民病於心久及小腸羽蟲乃病勝至甚土未復勝勝之水困腎反病及鱗虫至五月戊午月火運正徵其氣乃平和化日失政令矣

素問六氣玄珠密語卷之三

唐啟玄子王冰述

天元定化紀篇

大司天者司之言直也司直而侍於天之直也左右者從直也次於司天也即從司而侍直於天其名間氣即本氣隨天虛而時間令化也是司天之間化之人故名曰間氣故與天相得者或與天不相得者或與天令並化者或勝天令而不化者或先於天令或後於天令或來間早或來間晚或來早而去早或來晚而去晚或來或早而去晚或來晚而去早或俱天令而不來或左應而右不應或右應而左不應或左右俱應或左右俱不應或從南正或從北正如則天令非一故雖預定亦以細窮之定紀天令必化不化故述於後夫天元六氣者即是厥陰少陰太陽少陽陽明太陽即厥陰為己亥之紀少陰為子午之紀太陽為丑未之紀少陰為寅申之紀陽明為卯酉之紀太陽為辰戌之紀此者是陰陽輪流定紀之數故終而復始也